

《武昌縣志》整理工作委員會

# 武昌縣志

全五冊  
第四冊

湖北長江出版集團  
湖北人民出版社

# 武昌縣志卷十六

人物仕蹟

宋

孟宗政，字德夫。其先曲沃人，徙居武昌。

《康熙府志》。案：《宋史·本傳》宗政絳州人，父林從岳飛至隨州，因家焉。孟珙傳：珙隨州棗陽

人，則未徙武昌也。而府志、熊邵志皆云徙武昌，未知何據。今縣屬孟氏皆祖宗政，而各志載其父子賜葬地，均在縣境。故仍存之。

金人犯襄陽，宗政與統制扈再

興、陳祥分爲三軍，設伏三所，躒血以戰，金兵敗走。尋報棗陽圍急，宗

政馳突如神，金人大駭，宵遁。差權棗陽軍。初，眡事，一愛僕犯新令，立

斬之，軍民股栗。築隄治城堞，簡閱軍士。金帥完顏賽不圍城，宗政與再

興合兵角敵，歷三月，大小七十餘戰，身先士卒，金人自是不敢復窺襄漢

棗陽。代許國爲荆鄂都統制，仍知棗陽，遺民來歸者以萬數，發廩贍之，

籍其勇壯，號忠順軍，俾出沒唐鄧間，威振境外。金人呼爲孟爺爺。俄病

疽卒，轉右武大夫、團練使、防禦使，《宋史·本傳》。累官太師，封永國公，謚忠

毅。諭葬武昌之清水潭，奉祠崇福寺，崇祀鄉賢，子珙，有傳。郿志。

孟珙，字璞玉。父宗政，招唐、鄧、蔡壯士二萬餘人，號忠順軍，命江海總之，不安制置司，以珙代海。珙分其軍爲三，衆乃帖然，剏平堰於棗陽，水跨九阜，建通天槽，溉田十萬頃，攻武仙，破走之。端平二年，授主管侍衛馬軍司公事。時暫黃州駐劄。朝辭。上曰：「卿名將之子，忠勤體國，破蔡滅金，功績昭著。」帝問和議。對曰：「臣介冑之士，當言戰，不當言和。」賜賚甚厚，兼知光州，又兼知黃州。嘉熙元年，封隨縣男。四年，進封子，漢東郡侯，兼京湖安撫制置使。詔分兵三千，備齊安，珙言黃州與壽昌三江口隔一水耳，頒兵急度，何必預遣，先一日，則有一日之費，非計之得也。珙鎮江陵，兄璟帥武昌，故事無兄弟同處一路者，乞歸田，不允。病革乞休致，授檢校少師寧武軍節度使致仕，終於江陵。訃至，帝震悼輟朝，賻銀絹各千，特贈少師，三贈至太師吉國公，謚「忠襄」廟曰「威愛」。珙忠君體國之念，可貫金石。在軍中，參佐部曲論事，言人人異，珙徐以片語折衷，衆志皆愜。名位雖重，惟建旗鼓，臨將

吏，面色凜然，退則焚香隱几，蕭然事外，邃於易六十四卦，各系四句，名警心，自號無庵居士。弟瑛、璋，子之經。《宋史·本傳》。諭葬賢庾鄉金

紫山，奉祠蓼儀寺，崇祀鄉賢。《康熙府志》。熊志。邵志。

張諤性好學，能議論，嘗自約，仕至縣令，則致仕而歸。後登進士第，除

中允。諤於所居，營一舍，榜為「中允亭」，以志素約也。後諤稍稍進

用，數年間，為集賢校理、直舍人院、檢正中書五房公事、判司農寺，

皆要官，權任漸重。無何，坐事奪數官，歸武昌。未幾捐館，遂終於太

子中允，豈非前定。《夢溪筆談》。案：《東軒筆錄》：張諤檢正書五房公事，判司農，上言天

下祠廟，歲時有燒利乞依，河渡坊場，名人買折。王荆公秉政，多主諤言。

故凡司農啓請，往往中書即自施行，不由中覆賣廟。救既下，而天下祠廟各以緊慢價直有差。南京有高辛廟，平日絕無祈祭，縣吏抑勒，祝史僅能酬十千，是時張方平留守南京，因抗疏，言朝廷生財，當自有理，豈可以

古先帝王祠宇賣與百姓，以規十千之利。上覽疏，大駭，遂窮問其由，乃知由張諤建言，而中書未嘗覆奏。自是有旨，臣僚啓請，必須奏稟，方得施行，賣廟事尋罷。又云：張諤判司農寺吏人，盜用公使庫錢，事發下開

封府鞠劾，久之未決。諤尋以東禱知府陳繹，俾勿支蔓。繹遂滅裂其事，上頗聞之，遂令移獄窮治，盡得諤請求之迹，獄具落。諤直舍人院，追兩官勒停落，繹翰林學士降授秘書，監知滁州。

明  
黃琛，本名寶，武昌人，以帳前參隨舍人，擢兵馬副指揮。太祖愛其謹厚，

配以蒙城王女慶陽公主，累從征討，積功至龍江翼守御千戶。洪武元年，冊王女為公主，授琛為駙馬都尉，遷淮安衛指揮使。四年，擢中都留守，

卒官。子鉉，都督僉事。

明史公主傳。案：邵志授驃騎軍將，卒賜葬鳳陽，崇祀鄉賢。

劉任，武昌人，元四川行省參政。

案：《四川通志》載：任以善政聞。

洪武初，召為兵部尚書，出

為廣東行省參政，以善政聞，東莞伯何真降附任，處之得宜，召為應天府

尹。

明統志。崇祀鄉賢。邵志。

周縉，字伯紳，武昌人，以貢

案：邵志作歲貢。

入太學，授永清典史，攝令事。成祖舉兵，

守令相率迎降，永清地尤近，縉獨為守御計。

案：《忠節錄》：縉攝令事，極力拒守，顧其民寡弱，爭先逃散。

已度不

可為，懷印南奔，道聞母卒，歸終喪。燕兵已迫，糾義旅勤王。聞京師不

守，乃走匿。吏部言前北平所屬州縣官朱寧等二百九十人，當皇上靖難，

俱棄職逃亡，宜寘諸法，詔令入粟贖罪，遣戍興州。有司遂捕縉，械送戍

所，居數歲，子代還，年八十而沒。

《明史本傳》。

以正統八年五月二十四日終，

葬於邑洪道鄉眠牛石之南。孫源以監察御史擢知揚州府，賢而有惠政。

翁 範

家藏集。縉所著有《明德圖說》、《明德要義》、《攝生圖說》、《攝生要

義》、《周氏家規》，皆精當可傳。《周氏譜》。崇祀鄉賢。邵志。

蔡哲，字思賢，武昌人。洪武初，任江西行省理問，升右司郎中，承命贛州，招撫熊天瑞等。遂令遣子入朝，上嘉之，擢中書，累遷福建參政。

廉介自持，居官以正風俗，合民心爲要，民愛慕之。四川明玉珍死，子昇立，遣使奉貢，上命哲往宣諭。哲挾畫史偕行，圖山川險易以獻，後伐蜀取道，多用之。累官侍御史，浙江行省參知政事。追封濟陽王，崇

祀鄉賢。《分省人物考》。《福建通志》。《康熙府志》。邵志。案：熊志哲父蔓帙，追封濟陽郡公。丁鶴年集有《寄濟陽公》五律一首。邵志作封王。疑誤。

唐音，字仲節，洪武舉人，授江西建昌教諭，遷杭州府學教授。顛門受業之士魏驥等二十人，皆登津要。音苦無與焉，升唐府長史。先是儀衛軍舍，有領資本貿易者，多折閱率，鬻子女以償。音啓曰：子女府中人口，豈可輕之而重錢帛。王嘉納之，轉叙州同知，致仕歸，與丁鶴年往來唱和，足不至公庭，以壽終。弟言，字方平，工詩，有文譽。《康熙府志》。邵志。

劉仲廉，字行儉，先世居彭城，曾祖受四郡廩膳生，因亂渡鄱陽而西，道

經武昌，愛其山水清幽，占籍市東里。仲廉登洪武乙丑進士，授吏部主

事，解縉《少司空劉公傳》知浙江處州，廉謹有爲，政尚寬平，深得牧民之體，尤以

興學校爲急務。《浙江通志》永樂中，累官工部侍郎。有忌者強以難事，仲廉

慷慨任之。性剛直，不事權貴，嫉惡如仇，凡事羅織者，弗與往來。家

居重然諾，歲歉捐穀千石，不以聞也。解傳。

王仕忠，武昌人，洪武中知宜山縣，慈祥豈弟，深得民心，田里之間，安

靜無擾。三載擢知壽州，民不忍其去。《廣西通志》

吳拳，武昌人，洪武二年知廣東新會縣。政尚平易，民皆以爲便。暇則經

理縣治，學校及壇祠坊庵，多所繕治。財不費而民不勞。五年卒於官，

無老穉咸哀之。《廣東通志》

夏則中，武昌人，洪武二十三年，以監生知興寧縣，值寇周三之亂，招撫流亡，

時官田重稅，莫肯承籍，則中請以官田減同民產定賦。從之，遂以安業。

《廣東通志》。

王淵，武昌人，洪武初，舉明經，爲廣東遂溪令，安集流移，編籍定賦，辟草萊，課耕耨，修築塘堰，以灌溉田畝，民咸利之。

《廣東通志》。

陳渥，洪武間以貢任元溪知縣，多遺愛，祀名宦。

《康熙府志》。

沙玉，字子明，武昌人。永樂初，知涉縣，慮民無恒產，乃設酒饌，召富民，親爲立券借貲買牛具以給貧乏者，令民每丁種蔬一畝，以備饑饉。民遂足食，嘗值禾稼方熟，督民晝夜收獲，未畢，飛蝗大至，鄰邑被災，而

涉獨免。

《河南通志》。

邵珪，字廷璧，應豹七世孫，曾祖公侃，元播州學正，祖蘋生，字楚賓，明太祖吳元年，詔署本縣學事。父炫文，贈郎中。

《邵氏譜》。

珪幼穎異，有偉度。

中永樂舉人。宣德五年，授工部主事，居官清慎，莅事敏約，差督山東、直隸、通州倉儲，勤勞練達，經制有方，轉戶部陝西司郎中。邑舊有織機局，歲解色段，絲劣必市諸蜀，民甚苦之。珪爲奏革，民甚感焉。景泰



時，致仕歸。里中不能婚葬者，以貲佐之。卒祀鄉賢。邵志。

熊友信，字以泰，宣德歲貢，授知成都府安縣。案：成都府無安縣，誤。先是縣苦苗，且

無公廩。友信至，構草堂二間，左縣署，右祀城隍。苗至則禱於神，率

民兵攻之，戰無不捷。苗遂不敢為害，在任九年，士庶詣撫案乞留之，

加知州俸。又九年，乃致仕。子鏞，孫清有傳。邵志。

熊清，武昌人，正德中以歲貢來丞南海，稟性端慤，善治繁劇，民有訟，

咸願質成，復能執法不阿。按察張僉事無罪殺人，御史屬清覆核，為白

其冤。方士莫文憲以黃白術掩騙不貲，清詞執之。莫餽以奇貨，清不

納，卒正法。丞司錢穀，或教以嚴可獲羨者。清曰：予性耻言利，况敦

樸以聚之乎？令每缺，必以清署。其見信上官如此，秩滿未及遷，病卒

於任，囊無餘物，士民傷之。子桴復舉進士，為都御史，撫廣，有平寇

功。《南海縣志》。案：《康熙府志》、《邵志》：弘治間清由監生授南海縣丞。有梁少傅公子，求造海船不許，卒於官。祀鄉賢，子極、桴桴自餘政績皆不著，先正事迹湮沒多矣。

黎忠，字行恕，宣德歲貢，正統中，任建昌府推官。時福建巨盜鄧茂七侵

逼南豐諸縣，悍賊鄧秉行等蜂起劫掠，忠選練驍勇，屢出奇兵，摧賊鋒，巡撫楊寧上其功，授福州知府，致仕。邵志。案：《康熙府志》作江夏人。

孟祐，字元吉，永樂舉人，幼慧，讀書目十行，下授廣東香山知縣。香地雜畧夷，煩囂難治，又土產珠玉。官是土者，率多墨，祐冰蘖自持，三年報最，升太原府同知，駐代州，仿趙武安君守代之法，宋劉舜卿備邊之制，起句注山夏屋山，增陴設險，條便宜十事上之，巡撫然其議，頒行各堡、砦。自是邊鄙得安。案：《府志》祐，誤作祐。

張嘉會，武昌人。宣德中以御史謫封川典史，署開建縣事。廉幹有為，恩威并施，在縣一年，建學校，招撫流民，百廢具舉，士民悅服。《廣東通志》。

李觀，字廷賓，武昌人。正統八年，知建平縣，建文廟，築陂塘，創預備倉及壇壝郵舍。《江南通志》。

周源，字本清。由舉人授貴州道御史，獨持風裁。清理河南軍政，究韓銘之替役，王仁之代伍，而存心寬厚，不事險刻。巡按貴州，奏增鄉舉額。

有金鐸者亂政擾民，源發其奸，時稱神明。賑順天饑，活軍民以萬計。

擢知揚州府，初下車，歲饑措置有方，事辦而民安堵。時有韓祥，以利

財殺曹圯而誤張俊，張誠以通奸殺朱普而誤周垣，獄已具，源咸平反

之。尋丁內艱，起補廣信。時陳友信奏給事中王姓問擬如律，李咨用奏

按察使劉旺案：《康熙府志》作旺。等連及萬人。源會問剖決如流，多為洗雪，衆歡呼

而出。成化間，升廣西參政。柳州指揮王英貪暴，士卒幾激變。源馳至

諭以禍福，遣歸營，且劾英罪，上下咸服。致仕卒於家，祀鄉賢。子

佐，例監上林苑署丞，孫楷，舉人，虞城知縣，模拔貢生。案：邵志《表》作歲貢。

楫經魁，惠州府推官，祝諸生。邵志《廣西通志》。

方進，字秉善，案：邵志作兼善，今從《府志》。熊志。景泰舉人，為國子監學正，有文譽，簡入南

都，理刑半年，擢御史。成化中，遷雲南僉事，撫制民蠻，皆有方略。

巨猾郭景茂等負固集黨，掠劫為雄。進設計擒之，其寶物悉籍輸公，帑

所獲人口，皆給遣完聚，滇人德之。《康熙府志》。

邵志

劉毅，武昌人。成化中，知雅州事，居官廉介，祀名宦祠。《四川通志》。案：《江夏志》：毅府學，景泰庚午舉人。

邵淮，字漢英，弘治歲貢。祖珪、父鎬。淮任北直清豐縣丞，勞心撫字，因

旱禱雨，中暑卒於官，民德之，請祀名宦。《邵氏譜》。

邵鑑，字時用。案：邵志作時雍，從《邵氏譜》。生而穎異，以孝聞。成化中，由歲貢授袁州府經

歷。贊政公勤，民懷其德，以禮致仕。弘治十六年卒，年七十，祀鄉賢。

邵志，邵氏譜。

汪淳，字宗程，弘治舉人。初知漳平縣，以才擢南京戶部主事，善於其職，

升雲南尋甸軍民府，尤得夷情，以病致仕。邵志。

張佐，字良臣，弘治舉人。純粹開豁，與物無忤，選授西充知縣，解雲南河

西。時河西屢困於寇，斷扼上流，水泉告竭，民不聊生。佐計殄群賊，禱

啓湮泉，築龍池以溉。四境海田，多雨則澇。案：滇人稱潞水之澤曰：海。府志作近海之田，誤。開通渠以泄

之，居民足食，夜得安枕。尋署路南州事，平十八寨，監築州城。正德間，

任彌勒州。持躬廉介，政平不擾。致仕以壽終。邵志。《雲南通志》。

李廷蕙，字秀鄉，弘治進士。授刑部主事，勤慎自持，譽動僚采，卒於

官。邵志。

周楫，字巨川。參政源之季孫，有幹濟才。弘治中，由舉人授惠州推官。

惠州故多山嶮，群蠻逼處，嚴武備。時御史案郡講閱，令官屬善射者各試射。楫連發七矢，皆命中。御史奇之，薦剿大茅山峒賊。楫自當中堅指揮，所部翼以進，潛以奇兵邀其後，盡殲之，積尸枕藉山谷間。楫惻然曰：此亦天地所生，乃至此。馬服君、李北平何如哉？吾累子孫矣，遂告病歸。後徵補御史，不就，優游林下，以壽終。《康熙府志》、  
邵志。

嚴杰，字秀夫，弘治舉人，授四川營山知縣，心公政平，撫字不倦，雖工役殷沸，衆無怨言。調資縣，政益練達。龍山珠圃，時報瑞粟。致事

歸，不私謁公門，所著有《丹崖淡墨》。

邵志。案：杰嘉靖初，嘗纂修縣志，見熊桴序。

周楷，字式之。居親喪，哀毀結廬墓側，有《烏安集》一卷，由舉人授虞城知縣，絕奔競，疏積牘。常曰：居官以愛民爲本，與其斂於民，何若拂

乎上？士民德之，卒於官，祀鄉賢。邵志。

胡椿，字永齡，穎異通敏，少有大志。正德間，以進士知江西新昌縣，升

戶部主事，權員外郎。綜理會計，老吏不如，僚采推能事焉。卒於官，

祀鄉賢。邵志。

胡裕，字天宏。弘治舉人，知內鄉縣，毀淫祠三百所，招徠流民千餘家，

緩征均徭。時有八異之歌，三載報最，升潮州府通判，有惠政，致政

歸，篤學修行，至老不倦，祀鄉賢。《康熙府志》、  
邵志。

賀睿，字以政，由恩貢任廣西富川知縣，調蒼梧。潔己愛民，興利除弊，

裁決如流，廉明備至。卒於官，民巷哭，立廟以祀。及輿櫬歸里，僅圖

書數卷。子爵，字龍湫，聞訃哀毀，骨立扶櫬歸葬，三年獨居，食粥羸

衰。服闋，舉於鄉，授四川內江知縣，有父風焉。邵志。

孟廷柯，案：一作珂，誤。字培之，正德進士，授大理寺少卿。武宗南巡，上疏極諫，

忤旨，謫戶部照磨。嘉靖初，擢四川僉事，跋歷四道，轉陝西參議，

備兵商洛，尋升雲南參政。去商之日，老幼泣留，肖像祀之。時刺攔賊起，官軍剿捕，倉無見儲，轉運千里，餉不告乏。遷雲南按察使，致政

歸，崇祀鄉賢。子仿。

分省人物考。《阮元雲南通志》。邵志。

陳雲漢，字天章。有文譽，由弘治歲貢授許州訓導，善於誨人，寒暑不

倦，卒於官。

邵志。

余槐，字公甫。由正德歲貢授江油知縣，有善政，士民刻石頌之。

熊志。

何偉，字子大。質聰思邃，洞究理學，待人接物，惟義與禮不可犯也。由

歲貢授貴州永崇知縣。邑無公宇，僑治於黎平府。乃譯其來者，諭以禮

教，加冠服親，即其所撫綏而變易之，遠近咸向風焉。

邵志。

劉瀾，字宗海。生而純粹，為時聞人與物無忤。正德中，由歲貢授四川雅

州州判，有政聲，卒於官。

熊志。

姜舜彝，字咨政，篤實醇謹，邃於理學。由正德歲貢授江西布政使司經歷，

不著政聲，委監南贛鹽稅。勢家顛脫稅宗藩屬留筏者，悉裁以法，革南新

里胥之弊，處寧府廢沒之基，皆切中事宜。致政歸，以壽終。子三墨、  
埜、臺，俱歲貢生。邵志。

劉瀾，字南樓，正德歲貢，授四川雅州州判，攝州篆。蠻民不勤耕作，多搶  
劫，好爭訟。瀾多方曉諭，督民墾地。自是民務耕種，每里舉鄉耆一人，

使轉相勸導，月朔考校善否，示以勸懲。卒於官，百姓如失父母。

章學誠《湖  
北通志檢存

稿》。

熊桴，字元乘，曾祖友信，祖鏖，父清。友信與清自有傳。桴生即剛峭，稍  
長，疆記誦，善屬文。事親孝，處兄弟友愛。嘗讀書西山寺，中夜起，有  
虎蹲戶外，桴叱曰：熊元乘當爲忠孝死，安能充爾腹耶？虎垂首去。登嘉  
靖進士，授太倉州知州，首革庫役諸費，禁吏民爲奸，興學勸士，州遂大  
治。癸丑，倭寇薄城，時吳中久不知兵。御史蔡克廉行部至太倉，見寇  
至，急奔去。桴城守甚力，登陴枹鼓，命多張旗幟以疑之，寇不敢近。御  
史某劾桴不能斬敵，竟諭罷太倉。父老走闕下，上書誦冤，得仍留。明



年，寇復至，桴以舟師逆擊，賊善泅而鑿人船。桴制木長丈許，而扁其形，著鐵齒橫於端，令人橫施水中，遇泅者輒爲所傷，賊大敗。轉蘇州府同知，歷河南僉事，晉蘇松兵備道。島寇益張，每戰輒出奇勝之，南沙寶山皆大捷，擒賊首王直等。捷聞，賜金幣，進副使。金山軍亂，桴單騎召諸將吏答之，殲其渠，旋定。在吳十二年，大小三十餘戰，斬首三千四百。建崇明、福山、洲沙、柘林、吳淞五城，開楊林、瓦浦、虹江、白茆四渠，增太倉、珊海等田賦二千二百有奇。吳中平謐，郡縣皆立廟祀之。擢雲南參政，會土司女官素儀反，久不克。桴賜以冠帶，令攝郡，遂降。定土官，安九齡之亂。轉陝西按察使，前御史中以大計，左遷山東參政。會河湮徐沛，與工部尚書朱衡議，以三河口爲新河要地，鑿沙石成渠，築長堤石壩，分導之。擢按察使，錄河功進秩正二品。尋授浙江布政使，未赴。適海盜曾一本作亂，擢桴右僉都御史，巡撫廣東。時一本方圍南雄，聞桴至，遁去。桴上平寇四策，拊循士民，行鄉約保甲團練法於閩廣，造